



ДОМ НАРОДА  
ПРЕДСТАВНИЧКИ ДОМ

DOM NARODA  
PREDSTAVNIČKI DOM / ZASTUPNIČKI DOM

Привремена заједничка комисија оба дома  
Парламентарне скупштине Босне и  
Херцеговине за спровођење процедуре за  
именовање једног представника академске  
заједнице у Комисију за избор и праћење рада  
Агенције за превенцију корупције и  
координацију борбе против корупције

Privremena zajednička komisija oba doma  
Parlamentarne skupštine Bosne i Hercegovine  
za provođenje procedure za imenovanje  
jednog predstavnika akademske zajednice u  
Komisiju za izbor i praćenje rada Agencije za  
prevenciju korupcije i koordinaciju borbe  
protiv korupcije

Privremeno zajedničko povjerenstvo obaju  
domova Parlamentarne skupštine Bosne i  
Hercegovine za provođenje procedure  
imenovanja jednog predstavnika akademske  
zajednice u Povjerenstvo za izbor i praćenje  
rada Agencije za prevenciju korupcije i  
koordinaciju borbe protiv korupcije

---

Broj:01,02-50-14-734-2,5/16  
Sarajevo, 4.4.2016. godine

Na osnovu članova 17.,17a. i 17b. Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, br. 103/09, 58/13), člana 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine ("Službeni glasnik BiH", br.37/03) i Odluke o raspisivanju javnog konkursa za provođenje procedure za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, Broj:01,02-50-14-734-2,4/16 od 4.4.2016. godine Privremena zajednička komisija oba doma Parlamentarne skupštine BiH za provođenje procedure za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije **r a s p i s u j e**

## JAVNI KONKURS

### ZA IMENOVANJE JEDNOG PREDSTAVNIKA AKADEMSKE ZAJEDNICE U KOMISIJU ZA IZBOR I PRAĆENJE RADA AGENCIJE ZA PREVENCIJU KORUPCIJE I KOORDINACIJU BORBE PROTIV KORUPCIJE

**I. Javni konkurs** raspisuje se za izbor **jednog člana** u Komisiji za izbor i praćenje rada Agencije za prevenciju korupcije i koordinaciju borbe protiv korupcije i to:

- predstavnik akademske zajednice – jedan.

#### **II. Mandat:**

Mandat predstavnika akademske zajednice traje četiri godine od dana imenovanja u Parlamentarnoj skupštini Bosne i Hercegovine.

### **III. Status:**

Članovi Komisije za izbor i praćenje rada Agencije za prevenciju korupcije i koordinaciju borbe protiv korupcije imaju prava i obaveze proistekle iz Ustava BiH, zakona i podzakonskih akata, a neće imati radnopravni status. Sredstva za rad i naknade za rad osiguravaju se u budžetu Parlamentarne skupštine BiH a visinu utvrđuje Zajednička komisija za administrativne poslove Parlamentarne skupštine Bosne i Hercegovine.

### **IV. Nadležnosti Komisije za izbor i praćenje rada Agencije za prevenciju korupcije i koordinaciju borbe protiv korupcije:**

Prati rad Agencije za prevenciju korupcije i koordinaciju borbe protiv korupcije (u daljem tekstu Agencije); pokreće postupak imenovanja direktora i zamjenika direktora Agencije u skladu sa Zakonom o Agenciji za prevenciju korupcije i koordinaciju borbe protiv korupcije ;pokreće postupak razrješenja direktora i zamjenika direktora Agencije u skladu sa članom 15. Zakona o Agenciji za prevenciju korupcije i koordinaciju borbe protiv korupcije; razmatra izvještaje o radu Agencije najmanje dva puta godišnje ili po potrebi; razmatra izvještaje o reviziji finansijskog poslovanja Agencije; jedanput godišnje dostavlja Parlamentarnoj skupštini Bosne i Hercegovine izvještaj o svom radu.

### **V. Uslovi:**

Kandidat, predstavnik akademske zajednice, mora, u skladu sa Zakonom o ministarskim imenovanjima, imenovanjima Vijeć a ministara i drugim imenovanjima Bosne i Hercegovine, te u skladu s odredbama Poslovnika o radu Privremene zajedničke komisije oba doma Parlamentarne skupštine BiH radi provođenja procedure za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, ispunjavati opće i posebne uslove.

#### **Opći uslovi:**

- 1) da je stariji od 18 godina;
- 2) da je državljanin Bosne i Hercegovine;
- 3) da protiv njega nije pokrenut krivični postupak za krivično djelo za koje je predviđena kazna zatvora tri i više godina;
- 4) da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini;
- 5) da nije obuhvaćen odredbom člana IX. stav 1. Ustava Bosne i Hercegovine.

#### **Posebni uslovi:**

- 1) visoka stručna sprema;
- 2) akademsko naučno – nastavno zvanje redovni profesor, vanredni profesor,docent;
- 3) najmanje 10 godina radnog iskustva na univerzitetu u naučno-nastavnom zvanju;
- 4) Broj izvršilaca: **jedan**

### **VI. Ograničenja za imenovanje-sukob interesa:**

Izabrani zvaničnici, nosioci izvršnih dužnosti, savjetnici ili drugi zvaničnici s javnim ovlaštenjima, koji imaju privatni interes, koji utiču ili mogu uticati na zakonitost,

transparentnost, objektivnost i nepristrasnost u obavljanju javnih dužnosti, odnosno u kojima privatni interes šteti ili može šteti javnom interesu su u sukobu interesa (član 3. Zakona o Agenciji za prevenciju korupcije i koordinaciju borbe protiv korupcije).

## **VII. Potrebni dokumenti:**

Uz prijavu na javni konkurs kandidat je dužan priložiti:

- 1) radna biografija (CV) sa adresom i brojem telefona;
- 2) ovjerene kopije rješenja o izborima u nastavnička zvanja, i univerzitetske diplome stečene u Bosni i Hercegovini bilo kada ili u republikama bivše Jugoslavije zaključno sa 06. 04. 1992. god., odnosno univerzitetske diplome sa rješenjem o nostrifikaciji diploma ukoliko su stečene u republikama bivše Jugoslavije poslije 06. 04. 1992. god. ili u drugim zemljama bilo kada da su diplome stečene, a kandidati koji su visoko obrazovanje stekli po Bolonjskom procesu uz ovjerene kopije univerzitetskih diploma trebaju dostaviti i ovjerene kopije dodatka univerzitetskih diploma;
- 3) uvjerenje o državljanstvu Bosne i Hercegovine, ne starije od šest mjeseci;
- 4) potvrda ili uvjerenje izdati od relevantne institucije kao dokaz o traženom radnom iskustvu u naučno-nastavnom zvanju;
- 5) izjavu da nije obuhvaćen odredbom člana IX. stav 1. Ustava Bosne i Hercegovine (ovjerenu od nadležnog organa) .

**\*Napomena:** Dokumenti se dostavljaju u originalu ili ovjerenoj kopiji. Dokumenti priloženi uz prijavu na javni konkurs neće biti vraćeni kandidatima, s obzirom na odredbe člana 16. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

## **VIII. Zabrana diskriminacije (čl.2. Zakona o zabrani diskriminacije „Službeni glasnik BiH“ 59/09)**

Nijedna prijava ne može biti izuzeta iz razmatranja isključivo po osnovu kandidatovog spola, rase, boje kože, jezika, vjeroispovijesti, političkog ili drugog mišljenja, nacionalnog i socijalnog porijekla, veze s nekom nacionalnom manjinom, imovinskog statusa, rođenja ili drugog statusa.

## **IX. Procedura:**

- Privremena zajednička komisija će provesti proceduru u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine;
- Nakon provedenog Javnog konkursa, kandidati koji budu ispunjavali uslove Javnog konkursa bit će pozvani na intervju. O vremenu i mjestu će biti blagovremeno obaviješteni. Cilj intervjua je da se utvrdi stručnost i osposobljenost kandidata za obavljanje poslova te krajnja i ukupna ocjena kandidata;
- U skladu sa čl. 17b. Zakona o Agenciji za prevenciju korupcije i koordinaciju borbe protiv korupcije Privremena zajednička komisija nakon intervjua će prijedlog rang-liste dostaviti Predstavničkom domu i Domu naroda Parlamentarne skupštine Bosne i Hercegovine radi imenovanja.

**\*Dodatna napomena:** Lice koje bude imenovano na navedenu dužnost podliježe postupku sigurnosne provjere u skladu sa članom 3. stav (1) tačka c) Odluke o listi dužnosti koje obavljaju imenovana lica za koja je potrebno provesti sigurnosnu provjeru, Broj: 01,02-05-4-1459/15 od 29.12.2015. a na osnovu člana 35.stav (2) Zakona o zaštiti tajnih podataka („Službeni glasnik BiH“, br. 54/05 i 12/09).

**X. Način i rok podnošenja prijava:**

- Javni konkurs objavljuje se u "Službeni glasnik BiH", "Službeni glasnik Brčko Distrikta BiH" i na web-stranici Parlamentarne skupštine Bosne i Hercegovine [www.parlament.ba](http://www.parlament.ba) (Sekretarijat/Oglasi/Konkursi/Interno/), te obavještenje o javnom konkursu u dnevnim listovima „Večernji list“, „EuroBlic“ i „Dnevni avaz“.
- Javni konkurs ostaje otvoren 15 dana od dana objave u „Službenom glasniku BiH“.
- Prijave s traženim dokumentima dostaviti poštom preporučeno, uz upozorenje „ne otvarati“, na adresu:

**Parlamentarna skupština Bosne i Hercegovine**

**Privremena zajednička komisija oba doma Parlamentarne skupštine BiH za  
provođenje procedure za imenovanje jednog predstavnika akademske zajednice u  
Komisiju za izbor i praćenje rada Agencije za prevenciju korupcije i koordinaciju  
borbe protiv korupcije**

**"JAVNI KONKURS za imenovanje jednog predstavnika akademske zajednice u  
Komisiju za izbor i praćenje rada Agencije za prevenciju korupcije i koordinaciju  
borbe protiv korupcije - NE OTVARATI";**

**71 000 Sarajevo, Trg BiH br. 1**

**Napomena:** Neblagovremene prijave neće biti razmatrane, a nepotpune i neuredne prijave bit će odbačene.